

УДК 811.512.19'366.57

Сейдаметова Н.С., Ибрагимова П.Д.

КЪЫРЫМТАТАР ТИЛИНДЕ ФИИЛЬ ДЕРЕДЖЕЛЕРИ АФФИКСЛЕРИНИНЪ ХУСУСИЕТЛЕРИ

Аннотация. Макъаледе къырымтатар тилинде фииль дереджелери аффикслерининъ шекиль япыджы ве сёз япыджы функциялары бакъыла. Фииль дереджелери аффикслерининъ синкретик характери талиль этиле. Къырымтатар тилинде фииль дереджелери аффикслерининъ сёз япыджы функциясына айырыджа дикъкъат этиле.

Анахтар сёзлер: къырымтатар тили, фииль дереджелери, сёз япылувы, шекиль япылувы.

Сейдаметова Н.С., Ибрагимова П.Д.

ОСОБЕННОСТИ ЗАЛОГОВЫХ АФФИКСОВ В КРЫМСКОТАТАРСКОМ ЯЗЫКЕ

Аннотация. В статье рассматриваются формообразовательные и словообразовательные функции залоговых аффиксов в крымскотатарском языке. Анализируется син-

кретичный характер залогообразующих аффиксов. Основное внимание уделяется словообразовательной функции залоговых аффиксов в крымскотатарском языке.

Ключевые слова: крымскотатарский язык, залоги глагола, словообразование, формообразование.

Seidametova N.S., Ibragimova P.D.

PECULIARITIES OF VOICE AFFIXES IN THE CRIMEAN TATAR LANGUAGE

Summary. *The article deals with formative and word formative functions of voice affixes in the Crimean Tatar language. The syncretic nature of the voice formative affixes is analyzed. The main attention is drawn to the word formative function of voice affixes in the Crimean Tatar language.*

Keywords: *Crimean Tatar language, verb voices, word formation, morphogenesis.*

Меселенинь кьоюлувы. Къырымтатар тилинде фииллернинь граматик категориялары аз огренильгени ичюн, оларны тасвир этювде бир чокъ давалы меселелер ортагъа чыкъа. Фииль дереджелери категориясы энъ давалы фииль категорияларындан бири олып къалмакътадыр. Тюркий тиллерде фииль дереджелерининь огренильмесине багъышлангъан ильмий ишлер олгъанына бакъмадан, дередже япыджы аффикслернинь семантик ве функциональ хусусиетлери меселеси, фииль дереджелери категориясынынь статусы, яни шекиль япыджы я да сёз япыджы категориясы олгъаны меселеси ачыкъ къалмакътадыр.

Эдебиятнынъ талили. Тюркий тиллерде фииллерде дередже категориясы даима тильшынасларнынъ дикъкъатыны чеке эди. Бу категорияны тюрлю тюркий тиллер материалында Н.А. Баскаков [1], А.И. Геляева [2], В.Г. Гузев [3], Н.К. Дмитриев [4], Н.Н. Джанашиа [5], А.Н. Кононов [6], Б.А. Мусуков [7], Э.В. Севортян [8], Б.А. Серебренников [9], Л.Н. Харитонов [10], А.М. Щербак [11] ве дигер тильшынаслар тедкъикъ эткенлер. Бу ишлерде фииль дереджелерининь къадимий тюрк тилинде къулланылувы [9; 11–13], субъект ве объект арасында мунасебетлернинь семантик изааты [4–6], фииль дереджелери категориясынынъ семантик-синтактик бакъымындан изааты [8; 10; 14] косьтериле. Бир чокъ алимлернинь ишлеринде фииль дереджелерини япыджы аффикслернинь функциялары ве сёз япувда роллери тедкъикъ этиле [1–3; 7]. Мевзу боюнджа ильмий эдебиятнынъ талили косьтере ки, дередже категориясынынъ маиети боюнджа тюркшынасларнынъ тюрлю фикирлери бар. Бу категорияны толусынен анълатмакъ ичюн даа терен тедкъикъатлар ве янъы янашмалар керектир.

Макъалемизнинъ макъсады – къырымтатар тилинде фииллерде дередже шекиллери ни мейдангъа кетирген аффикслернинь функциональ ве семантик хусусиетлерини огренимектир.

Эсас малюматнынъ ачыкъланмасы. Тюркшынаслыкъта фииллерде дередже категориясыны бельгилевде олгъан къыйынлыкълар дередже шекиллери граматик я да лексик мана анълаткъан алларны айырмагъа къыйын олгъанындан келип чыкъа. Фиильнинь дередже шекиллеринде лексик ве граматик маналар пек сыкъы багъда булунгъанлары ве бирибиринен чапразлашып кельгенлери къайд этиле [2 ве башкъ.]. Тюркий тиллерде дередже категориясы пек эски олгъаныны къайд этерек, фииль негизлеринден фииль япылувы дередже манасынынъ денъишкенинен багълы олгъаныны анълатыла [12, с. 21], фиильден япылгъан фииллернинь пейда олувы фииль дереджелери япылувынынъ лексик-синтактик хасиетлеринен багълы олгъаны акъкъында фикир бильдириле [13, с. 56]. Демек, дередже шекиллерини япкъан аффикслери де эм шекиль япыджы, эм сёз япыджы вазифелерини эда этмектедирлер. Тюркшынасларнынъ чокъусы тюркий тиллеринде фиильден фииль аффикс-леме ярдымынен япылгъанда, тек дередже шекиллерини козьде туталар, дигер аффикслер вастасынен исе фиильден фииль япылмай, деген фикирделер. Месея, А.А. Юлдашевнинь фикирине коре, фииллерден япылгъан янъы фииллер аналитик усулынен мейдангъа кетириле [15]. В.Г. Карпов [16], Ф.А. Ганиев [17], Ж.М. Гузеев [18], Б.А. Мусуков [7] киби алимлер

исе фиильден фииль аффиксleme усулынен, шу сырада дередже ялгъамаларынынъ къошулувы нетиджесинде де япылабильгенини къайд этелер.

Фиильден фииль япылувында энъ чокъ *-и, -л, -н, -т, -тыр* киби ялгъамалар къулланыла. А.А. Юлдашев бу ялгъамалар башта сёз япыджы ялгъамалары олып, вакъыт кечтикче сёз япыджы функцияларыны гъайып эткенлерини ве земаневий тильде тек дередже ялгъамасы киби шекиль япыджы функциясыны беджергенини къайд эте [15, с. 213].

Къырымтатар тили грамматикаларында фииль дереджелери ялгъамалары башта тек шекиль япыджы ялгъамалары киби изаат этильген олса, сонъки ишлерде сёз япыджы функциялары да косътериле, бир чокъ алларда граматик мана бильдирген шекиллер янъы лексик мана бильдирген шекиллерден фаркъ этильмей: *сорашмакъ* «селямлашмакъ», *окъутмакъ* «огретмек», *бильдирмек* «хабер этмек», *батырмакъ* «чёмдюрмек», *кетирмек* «алып кельмек», *пиширмек* «пишкен алына кетирмек» киби шекиллерде дередже ялгъамалары сёз япыджы функцияда къулланыла, амма бу шекиллер дередже шекиллери киби изаатлана [19, с. 184–187].

Асылында тюркий тиллерде сёз япыджы ве шекиль япыджы эм сёз денъиштиридики ялгъамаларны айырды этмек меселеси бугунъге къадар чезильмейип къалмакътадыр. Бу меселени чезмек ичюн ярдымджы морфемаларны фаркъ этиджи ольчютлерни бельгилемек лязимдир.

Тюркшынаслыкъта фииллерде къайсы морфема (я да тамыры, я да ялгъамасы) дередже манасыны ташыгъаны даа бутюнлей огренильмеди. Тедкъикъатчыларнынъ чокъусы озъ ильмий макъалелеринде тек аффикс дередже манасыны ташыгъаныны къайд этмектелер. Лякин Ж.М. Таукенованынъ фикирине коре, сёз япыджы функциясы эр вакъыт ялгъаманен ифаде этильмей, базы алларда о, фиильнинъ негизине багъланып келе. Къара-чай-балкар тилинден мисаль кетирейик: бельгисизлик дереджесинде ишлетильген *табыл* «тапылмакъ» фиили *тап* «тапмакъ» фиилинден япылгъан, онынъ «кельмек» манасы *тап* («тапмакъ») сёзюнинъ лексик манасынен багълы дегильдир. Шунынъ ичюн сёз япыджы манасы тек *-ыл* дередже ялгъамасынен дегиль де, бутюн сёз шекилинен багълыдыр [20, с. 12].

Бельгисизлик дереджеси *-л* аффикси вастасынен япыла. Эгер фиильнинъ тамыры *л* сенинен битсе, *-н* ялгъамасы къулланыла: *тутул*-, *болун*- ве иляхре.

Бельгисизлик дереджесининъ аффикслери сёз япув функциясыны сийрек беджергенини къайд этмелъ мумкюндир: *ашалмакъ* «бир де бир шейнинъ усть къаты силямек», *салынмакъ* «1. асылмакъ. 2. бир де бир ишнинъ девамлы оларакъ артта къалмасы», *къуртулмакъ* «ярамай бир шейден вазгечмек, ярамай бир вазияттен чыкъмакъ», *кесильмек* «1. кучюкъвети къалмамакъ; 2. бозулмакъ (сют)», *тюзельмек* «1. ярамай я да бозукъ алдан тюзгюн алгъа кельмек; 2. яхшы олмакъ (хаста)» киби сёзлерде къайд этиле биле.

Къайтым дереджеси *-н* аффикси вастасынен япыла. Бу аффикс бир чокъ тильшынаслар тарафындан эм шекиль япыджы, эм сёз япыджы аффикс киби изаатлана. Бир чокъ алларда теркибинде *-н* аффикси олгъан фииль шекиллери айры сёзлер, мустакъиль лексик бирлемлер киби къулланыла: *тартмакъ* «кучънен созмакъ, чекмек» – *тартынмакъ* «утанмакъ», *окъумакъ* «козъ арекетинен язылгъан шейни анъламакъ ве я айны заманда сеслендирмек» – *окъунмакъ* «дуа окъутмакъ», *севмек* «гонъюль бермек, хошланмакъ» – *севинмек* «къуванч дуймакъ, къуванмакъ», *агъламакъ* «козъяш тёмек» – *агъланмакъ* «шикяет этмек», *чекмек* «бир шейни тутып озюне я да башкъа бир тарафкъа догъру юрютмек, бир ерден башкъа бир ерге авуштырмакъ» – *чекинмек* «утанмакъ», *соймакъ* «къабугъыны алмакъ» – *союнмакъ* «устюндеки урбаларыны чыкъармакъ», *тюшмек* «ер чекимининъ тесиринден ерге энмек» – *тюшюнмек* «олгъан бильгилерни акълындан кечирмек, талиль этмек ве бир-де бир нетиджеге кельмек», *уянмакъ* «юкъу алындан чыкъмакъ», *таямакъ* «бир шейни, бир ерге я да башкъа бир шейге яслап къоймакъ» – *таянмакъ* «бир шейге, бир ерге ясланмакъ». Къайтым дереджесининъ аффикси пек продуктив олгъаны ичюн бу киби шекиллернинъ сайысы да баягъы чокътыр.

Исимлерден ве исмий сёз чешитлерден япылгъан фииллерде къайтым дереджеси аффиксининъ сёз япув функциясы ог плангъа чыкъа: *багъланмакъ* «багълы олып къалмакъ», *эвлен*

мек «аиле кѳурмакъ, эвли олып кѳалмакъ», *бояланмакъ* «боя вастасынен ренк алмакъ», *ягѳланмакъ* «ягѳлы олып кѳалмакъ» ве иляхре.

Ортакълыкъ дереджеси *-и* аффикси вастасынен япыла. Тюркшынаслыкъта ортакълыкъдереджеси аффиксининъ сѳз япув функциясы олгъаны акъкъында фикир чокъусы алимлер тарафындан кѳабул этиле, бутюн дередже шекиллери арасында ортакълыкъ дереджеси сѳз япылувы иле энъ сыкъ багълы олгъаны кѳад этиле. Меселя, *етишимек* «1. вакътында бармакъ; 2. буюмек, осьмек», *огърашмакъ* «бир де бир ишнен мешгъуль олмакъ», *корюшмек* «булушмакъ, бир ерге кельмек, кѳонушмакъ», *япышмакъ* «бир ерге тутунып, о ерде кѳалмакъ», *келишимек* «ортакъ бир фикирге кельмек, анѳлашмакъ», *талашмакъ* «кѳавгъа этмек», *тартышмакъ* «дава этмек», *ярашмакъ* «уймакъ, хош корюнмек», *анѳлашмакъ* «дуйгъу, тюшондже я да макъсат бакъымындан бирлешмек», *иришимек* «келип етмек», *курешимек* «савашмакъ, чатышмакъ» киби сѳзлерде ортакълыкъ дереджеси аффиксининъ сѳз япыджы функциясы айдын корюнмектедир.

Исимлерден ве исмий сѳз чешитлерден япылгъан фииллерде ортакълыкъ дереджеси аффиксининъ сѳз япув функциясы ог плангъа чыкъа: *достлашмакъ* «дост олмакъ», *пайлашмакъ* «пай бермек», *гузеллешмек* «гузель олмакъ», *бирлешмек* «бир олмакъ» ве иляхре.

Бойледже, дередже япув бакъымындан ортакълыкъ дереджесининъ эки эсас манасы: ортакълыкъ ве бераберлик маналарыны бильдирген шекиллер эки функцияны беджерип келелер. Бир чокъ шекиллерде *-и* аффиксининъ кѳошулмасы эсас (япыджы) фииль негизининъ семантикасынынъ денѳишмесине кетире. Шунынъ ичюн де кѳырымтатар тилинде ортакълыкъ дереджеси хусусий бир табияткъа малик олгъаныны косътере ве он лексик-грамматик бир категория киби тариф этмек ичюн эсас бере.

Юклетюв дереджесининъ шекиллери *-тыр*, *-т*, *-р* ве базы башкъа аффикслер вастасынен япыла. Лексикализация нетиджесинде пейда олгъан фииллернинъ юклетюв дереджеси шекиллери эсас (япыджы) негизинден мана джеэттен де фаркъланалар. Меселя: *бильдирмек* «хабер этмек» юклетюв дереджесинде кельген фииль *биль-* «бир шейни даа эвель эшиткен, огренген, анѳлагъан олмакъ» негизинден япыла ве, корьгенимиз киби, манасы денѳише.

Юклетюв дереджесинде кельген фииль шекиллерининъ лексикализациясы кѳалыджы фиильнинъ кечиджи фиильге чевирилъмесинен ифаде этиле. Бойле ал семантика тарафындан фиильнинъ манасыны буюк бир дереджеде денѳиштире, меселя: *пишмек* (не?) «сыджакънынъ тесиринен ишленилип ашалайджакъ алына кельмек» – *пиширмек* (нени?) «чий, ашаламгъан ашайт мадделерни етери кѳадар кѳайнатып, сыджакънынъ тесирине огъратып, ашалайджакъ алына кетирмек», *чыкъмакъ* «булунгъан еринден тышары кетмек» – *чыкъармакъ* «1. булунгъан еринден тышары кетмесини темин этмек; 2. тапып ортагъа кѳоймакъ», *кечмек* «бир шейнинъ узеринден кетип, бир тарафындан дигер тарафына кетмек» – *кечирмек* «1. бир тарафтан дигер тарафкъа авушмасыны темин этмек; 2. бир чокъ вакъиаларны яшап, кери кѳалдырмакъ», *кочъмек* «белли бир вакъыт кѳалмакъ ичюн я да ерлешмек ичюн бир ерден башкъа бир ерге кетмек» – *кочюрмек* «1. кѳалгъан ерини денѳиштиртмек; 2. бир де бир техник алетни чалышкъан алына кетирмек», *битмек* «сонъуна кельмек, тюкенмек» – *битирмек* «сонъуна кетирмек, тамамламакъ, тюкетмек», *эммек* «дудакъ, тиль ве солукъ ярдымынен бир шейни ичине чекмек» – *эмизмек* «эмчегинден баласына сют бермек (кѳадын, ыргъачы айван)», *батмакъ* «шинген бир мадденинъ ичине комюльмек, чѳммек» – *батырмакъ* «шинген бир мадденинъ ичине киргизип алмакъ, коммек, батмасына ѳл ачмакъ, чѳмдюрмек», *таммакъ* «тамла шеклинде тюшмек, акъмакъ» – *тамызмакъ* «шинген бир шейни тамла-тамла акъытмакъ».

Талиль этильген мисаллер косътергени киби, юклетюв дереджесининъ аффикслери бир чокъ алларда дередже манасыны бильдирген шекиллерни дегиль де, мустакъиль лексик мананы бильдирген сѳзлерни мейдангъа кетирелер. Юклетюв дереджесининъ аффикслери вастасынен япылгъан фииллер эсас (япыджы) фиильге бакъкъанда манаджа даа да шидетли бир арекетни бильдирелер.

Нетидже. Талиль этильген назарий материал ве мисаллер эсасында бойле хуляса чыкъармакъ мумкюн. Тюркий тиллерде, шу сырада кѳырымтатар тилинде, фииль дередже-

лерини япкъан аффикслер чокъфункциялы аффикслер олып, дередже шекиллеринден гъайры мустакъиль лексик мана бильдирген сёзлерни де мейдангъа кетирелер. Дередже аффиклери вастасынен япылгъан япма фииллер эм де дередже шекиллери къалыджылыкъ/кечиджилик лексик-грамматик категориясынен сыкъы багълыдырлар. Бу категория фииль негизлерининъ грамматик хусусиетлерини денъиштирмекнен берабер, япыджы негизнинъ лексик манасынынъ денъишмесине де тесир эте. Шу себептен де фииль дереджелерининъ япылувы аффиксаль сёз япылувы оларакъ къабул этиле, чюнки фииллерининъ дереджелерини япкъан аффикслер ве сёз япыджы аффикслери къарыша. Фииллерде дередже категориясы лексик-грамматик категория киби танылмалыдыр, о, эм шекиль япыджы, эм сёз япыджы маналарыны ташый. Фииль дереджелери арасында ортакълыкъ дереджесининъ ве юклетюв дереджесининъ шекиллерининъ чокъусына сёз япыджы мана хастыр, къайтым ве бельгисизлик дереджелерининъ шекиллеринде исе шекиль япыджы, яни грамматик мана сыкъча ифаделене. Занымызджа, къырымтатар тили эсасында фииль дередже шекиллерининъ маналарыны ве дередже аффикслерининъ маналарыны даа да терен огренип, япыджы негизнинъ семантик бакъымдан денъишмелерини бельгилемек эмиетлидир.

КЪУЛЛАНЫЛГЪАН ЭДЕБИЯТ

1. Баскаков Н.А. Историко-типологическая морфология тюркских языков: структура слова и механизм агглютинации / Н.А. Баскаков. – М., 1979. – 231 с.
2. Геляева А.И. Словоизменительная и словообразовательная функции залоговых аффиксов в карачаево-балкарском языке / А.И. Геляева. – Нальчик, 1999. – 128 с.
3. Гузев В.Г. Очерки по теории тюркского словоизменения: Глагол (на материале староанатолийско-тюркского языка) / В.Г. Гузев. – Л.: Изд-во ЛГУ, 1990. – 164 с.
4. Дмитриев Н.К. Грамматика башкирского языка / Н.К. Дмитриев. – М.-Л., 1948. – 276 с.
5. Джанашиа Н.Н. Исследования по морфологии турецкого глагола: автореф. дис. ... д-ра филол. наук / Н.Н. Джанашиа. – Тбилиси, 1970. – 44 с.
6. Кононов А.Н. Грамматика современного узбекского литературного языка / А.Н. Кононов. – М.-Л., 1960. – 446 с.
7. Мусуков Б.А. Морфологическая деривация глаголов в карачаево-балкарском языке / Б.А. Мусуков. – Нальчик: Изд-во КБИГИ, 2009. – 256 с.
8. Севортян Э.В. Аффиксы глаголообразования в азербайджанском языке / Э.В. Севортян. – М., 1962. – 643 с.
9. Серебренников Б.А. Сравнительно-историческая грамматика тюркских языков / Б.А. Серебренников, Н.З. Гаджиева. – Баку, 1979. – 304 с.
10. Харитонов Л.Н. Залоговые формы глагола в якутском языке / Л.Н. Харитонов. – М.-Л.: Изд-во Академии Наук СССР, 1963. – 201 с.
11. Щербак А.М. Очерки по сравнительной морфологии тюркских языков (глагол) / А.М. Щербак. – Л.: Наука, 1981. – 184 с.
12. Насилов В.М. Язык орхоно-енисейских памятников / В.М. Насилов. – М., 1960. – 87 с.
13. Аманжолов А.С. Глагольное управление в языке древнетюркских памятников / А.С. Аманжолов. – М., 1969. – 72 с.
14. Абдуллина Г.Р. О залоговых формах глаголов башкирского языка / Г.Р. Абдуллина // Вестник Челябинского государственного университета. – 2008. – № 30. – С. 5–12.
15. Юлдашев А.А. Грамматика современного башкирского литературного языка / А.А. Юлдашев. – М.: Наука, 1981. – 495 с.
16. Карпов В.Г. Глагол / В.Г. Карпов // Грамматика хакасского языка. АН СССР, Институт языкознания; ХакНИИЯЛИ; под ред. Н.А. Баскакова. – М.: Наука, 1975. – С. 163–245.
17. Ганиев Ф.А. Видовая характеристика глаголов татарского языка / Ф.А. Ганиев. – Казань: Таткнигоиздат, 1963. – 180 с.
18. Гузев Ж.М. Бусагъатдагъы къарачай малкъар литература тил / Ж.М. Гузев. – 2-чи кесеги: Морфемика, морфология, сёз къурау. – Къарачай шахар: КЧГУ, 2006. – 294 с.
19. Меметов А. Крымтатарский язык / А. Меметов, К. Мусаев. – Симферополь: Крымское учебно-педагогическое государственное издательство, 2003. – 288 с.
20. Таукенова Ж.М. Внутриглагольное словообразование в карачаево-балкарском языке / Ж.М. Таукенова. – Нальчик, 2011. – 18 с.